

# 卷二十一

新雕 皇朝類苑卷第一

祖宗聖訓

太祖

太祖聖性至仁雖用兵亦戒殺戮親征太原道經潞  
州麻衣和尚院躬禱於佛前曰此行止以弔伐為意  
誓不殺一人開寶中遣將平金陵親召曹彬潘美戒  
之曰城陷之日慎無殺戮設若困鬪則李煜一門不  
可加害故彬於江南得王師弔伐之體由

聖訓

初梁因宣武府第修之為建昌宮晉改命曰太

宗復加營繕猶未盡如王者之制

殿令洞開諸門直望之謂左右曰此如我

太祖

書名 新雕皇朝類苑七十八卷 銅活字印本  
撰者 宋 江少虞 撰  
卷 卷二十一  
內容分類 子 類書 彙考 宋  
索書號 貴重 34  
編號 C5924200

彩色首頁1

東洋文化研究所漢籍目錄 編號: C5924200

東洋文化研究所漢籍目錄所藏漢籍善本文影像資料庫 索書號: 貴重-34

漢籍善本文影像資料庫文本 新雕皇朝類苑七十八卷 銅活字印本

版權所有 東京大學 東洋文化研究所

使用上的注意事項



面安著焉玄宗開元中薛謙光獻九鼎銘宰臣以豫  
州鼎銘武后曾制有玄宗御名便為符瑞請付史館  
帝甚悅焉乾元中三殿上安銅鼎上津汗流占曰必  
雨之候果信矣此又小鼎也贊寧要言

新雕 皇朝類苑卷第二十

新雕 皇朝類苑卷第二十一  
官政治績

諸監鑪鑄錢

江南因唐舊制饒州置永平監鑄錢歲六萬貫江南  
平增為七萬貫常患銅少張齊賢任轉運使求得江  
南舊承旨丁釗盡知信建等州谷銅鈔處齊賢即調  
發丁夫采之初年增十數陪明年得銅鈔八十五萬  
斤錫六十萬斤因雜為鈔錫錢鑄三十六萬貫以釗  
為殿前丞旨領三州銅山先是永平監所鑄錢用開  
通元寶錢法肉好周郭精好至是雜用鈔錫兼失古  
制數雖增而錢惡其後信州鈔山縣出銅無筭常十  
餘萬人采鑿無賴不逞之徒萃於淵藪官所市銅錢  
數千餘萬斤大有餘羨而銅山所出益多有司議減

銅價鑿山者稍稍引去饒州官市新炭不能給鼓鑄分於池州置永寧監建州永豐監並歲鑄錢二十萬貫以鉉山銅給之既有所泄價乃復舊而工徒並集杭州置保興監凡四監歲鑄百餘萬貫爲極盛矣唐天寶之制絳楊潤宜鄂蔚益柳十州共置九十九鑪鑄錢一鑪役丁匠三十人每年六七月停餘十月作十番一鑪約用銅二萬一千二百三十斤白蠟三千七百九十斤黑錫五百四十斤每鑪鑄錢三千三百貫計一工日可鑄錢三百餘國家之制一工日千餘用銅鉉鑪之法亦異於古其數雖倍而錢稍惡每繫擲亦多缺予在史局因錄唐制與今王丞相後數月有詔暑月諸監減半工蓋主上勤恤之至也

談苑  
和買絹

祥符初王旭知穎州因歲饑出庫錢貸民約蚕熟千輸一緡其後李士衡行之陝西民以爲便今行天下於歲首給之謂之和買絹或曰預買始於旭也

上供軍糧

國初江淮湖浙上供軍糧歲無定數景德中發運使李溥奏乞立年額乃詔歲以六百萬斛爲定有災即乞減數至今以爲常

納牛皮錢

國初令民田七頃納牛皮一張角一對筋四兩建隆中令其納價錢一貫五百文今稅額中牛皮錢是也

並澗水燕談

內門買物支錢

京師置雜物務買內所須之物而內東門復有字號

徑下諸行市物以供禁中凡行鋪供物之後往往經  
歲不給其直至於積錢至千萬者或云其直尋給而  
幹當內門內臣故爲替滯京師甚苦之蔡襄尹京詢  
知其弊建言乞取內東門買物字號付雜買務今後  
乞不令內東門買物遇逐月宮中請俸錢時許雜買  
務具供過物價徑牒內藏庫截支以給行人  
仁宗大以爲然其事至今行矣 東軒筆錄

### 預買絀縮

太宗時馬元方爲三司判司建言方春民乏絕時豫  
給庫錢貸之至夏秋令輸縮於官預買絀縮蓋始於  
此

### 河北市糧草用三說四說見錢之法

河北入中糧草舊用見錢慶曆八年後以茶鹽香藥

見錢爲四說緣邊用之茶鹽香藥爲三說近裏州軍  
用之商旅不時得錢賤市交鈔而貴糶糧斛由是物  
價翔貴米斗七百甚者至千錢緣邊所入至少而京  
師償價倍多其利盡歸於富商矣皇祐二年茶交引  
舊賣百千者得錢六十五千至是止二十千香一片  
賣三千八百者止得六百鹽賣百千者止得六十千  
至三年後更用見錢而令商旅自便買鹽茶香藥議  
者請四說三說與見錢之法皆不可常守必視邊計  
之薄厚與物價之高下以時而變通之乃可也 東齋  
記事

### 蠲田畝

江南有國時民田率十畝蠲一畝以充瘠薄 退朝錄

### 歲鑄錢數

國朝初平江南歲鑄錢七萬貫自後稍增廣至天聖中歲鑄一百餘萬貫慶曆至三百萬貫熙寧六年已後歲鑄銅錢六百餘萬貫

### 茶利

國朝茶利除官本及雜費外淨入錢禁推時取一年最中數計一百九萬四千九十三貫八百八十五內六十四萬九千九百九十九貫茶淨利賣茶嘉祐二年收十六萬四千三百一十一貫五百二十七除元本及雜費外得淨利十萬六千九百五十七貫六百八十五客茶交引錢嘉祐三年除元本及雜費外得淨利五十四萬二千一百一十一貫五百二十四四十四萬五千二十四貫六百七十茶稅錢最中嘉祐元年所收數除川茶錢在外通商後來取一年最中數計一百

一十七萬五千一百四貫九百一十九錢內三十六萬九千七十二貫四百七十一錢茶祖嘉祐四年通商立定茶祖錢六十八萬四千三百二十一貫三百八十經累經減放至治平二年最中分收上數八十八萬六千三十二貫六百四十八錢茶稅最中治平三年除川茶稅錢外會此數

### 二

本朝茶法乾德二年始詔在京建州漢蘄口各置榷貨務五年始禁私賣茶從不應爲情理重太平興國二年刪定禁法條貫始立等科罪淳化二年令商賈就園戶買茶公於官場貼射始行貼射法淳化四年初行交引罷貼射法西北入粟給交引自通利軍始是歲罷諸處榷貨務尋依舊至咸平元年茶利錢以

一百三十九萬二千一百一十九貫三百一十九爲額至嘉祐三年九六十一年用此額官本雜費皆在內中間時有增虧歲入不常咸平五年三司使王嗣宗始立三分法以十分茶價四分給香藥三分犀象二分茶引六年又改支六分香藥犀象四分茶引景德二年許人入中錢帛金銀謂之三說至祥符九年茶引益輕用知秦州曹瑋議就求興鳳翔以官錢收買客引以採引價前此累增加饒錢至天禧二年鎮戎軍納大麥一斛本價通加饒共支錢一貫二百五十四乾興元年改三分法支茶引三分東南見錢二分半香藥四分半天聖元年復行貼射法行之三年茶利盡歸大商官場但得黃晚惡茶乃詔孫奭重議罷貼射法明年推治元議省吏勾覆官句獻等皆決

配沙門島元詳定樞密副使張鄧公祭知政事呂許公魯肅簡各罰俸一月御史中丞劉筠入內內侍省副都知周文質亞上閣門使薛昭廓三部副使各罰銅二十斤前三司使李諮落樞密直學士依舊知洪州皇祐三年筭茶依舊只用見錢至嘉祐四年二月五日降勅罷茶禁

國朝六權貨務十三山場都賣歲一千五十三萬三千七百四十七斤半祖額錢二百二十五萬四千四十七貫一十其六權貨務取最中嘉祐六年拋占茶五百七十三萬六千七百八十六斤半祖額錢一百九十六萬四千六百四十七貫二百七十八荆南府祖額錢三十一萬五千一百四十八貫三百七十五受納潭鼎澧岳歸峽州荆南府片散茶共八十七萬

五千三百五十七斤漢陽軍祖額錢二十一萬八千三百一十一貫五十一受納鄂州片茶二十三萬八千三百斤半蘄州蘄口祖額錢三十五萬九千八百三十九貫八百一十四受納潭建州興國軍片茶五十萬斤無爲軍祖額錢三十四萬八千六百二十貫四百三十受納潭筠袁池饒建歙江洪州南康興國軍片散茶共八十四萬二千三百三十三斤真州祖額錢五十一萬四千二十二貫九百三十二受納潭袁池饒歙建撫筠宣江吉洪州興國臨江南康軍片散茶共二百八十五萬六千二百六斤海州祖額錢三十萬八千七百三貫六百七十六受納睦湖杭越衢溫婺台常明饒歙州片散茶共四十二萬四千五百九十九斤十三山場祖額錢共二十八萬九千三百

九十九貫七百三十二共買茶四百七十九萬六千九百六十一斤光州光山場買茶三十萬七千二百十六斤賣錢一萬二千四百五十六貫子安場買茶二十二萬八千三十斤賣錢一萬三千六百八十九貫三百四十八商城場買茶四十萬五百五十三斤賣錢二萬七千七十九貫四百四十六壽州麻步場買茶三十三萬一千八百三十三斤賣錢三萬四千八百一十一貫三百五十霍山場買茶五十三萬二千三百九斤賣錢三萬五千五百九十五貫四百八十九開順場買茶二十六萬九千七十七斤賣錢一萬七千一百三十貫廬州王同場買茶二十九萬七千三百二十八斤賣錢一萬四千三百五十七貫六百四十二黃州麻城場買茶二十八萬四千二百七

十四斤賣錢一萬二千五百四十貫舒州羅源場買  
茶一十八萬五千八十二斤賣錢一萬四百六十九  
貫七百八十五太湖場買茶八十二萬九千三十二  
斤賣錢三萬六千九十六貫六百八十蘄州洗馬場  
買茶四十萬斤賣錢二萬六千三百六十貫王祺  
場買茶一十八萬二千二百二十七斤賣錢一萬一  
千九百五十三貫九百九十二石橋場買茶五十五  
萬斤賣錢三萬二千八十貫

三

世傳筭茶有三說法最便三說者皆謂見錢為一說  
犀牙香藥為一說茶為一說深不然也此乃三分法  
耳謂緣邊入納糧草其價折為二分一分支見錢一  
分折犀象雜貨一分折茶爾後又有并折鹽為四分

法更改不一皆非三說也予在三司求得三說舊案  
三說者乃是三事博糴為一說便糴為一說直便為  
一說往謂之博糴者極邊糧草歲入必欲足常額每  
歲自三司拋數下庫務先封椿見錢緊便錢緊茶鈔  
商旅錢謂水路緊便所便處緊茶錢謂上三山場權  
務然後召人入中便糴者次邊糧草商人先入中糧  
草乃詣京師筭請慢便錢慢茶鈔及雜貨慢便錢謂  
道路貨易非便處慢茶鈔謂下三山場權務直便者  
商人取便於緣邊入納見錢於京師請領三說先博  
糴數足然後聽便糴及直便以此商人競趨爭先赴  
極邊博糴故邊粟常先足不為諸郡分裂糧草之價  
不能翔涌諸路稅課亦皆盈衍此良法也予在三司  
方欲講求會左遷不果建議筆談



世稱陳恕為三司使改茶法歲計幾增十倍予為三司使時考其籍蓋自景德中北戎入寇之後河北糴便之法蕩盡此後茶利十喪其九恕在任值北虜講解商人頓復歲課遂增雖云十倍之多考之尚未盈舊額至今稱道蓋不虞之譽也 楊文公談苑

劉晏知物價之術

劉晏掌國計數百里外物價高下即日知之人有得晏一事予在三司時掌行之于東南每歲發運司和糴米于郡縣未知價之高下須先具價申稟然後視其貴賤貴則寡取盈盡得郡縣之價方能契數行下比至則粟價已增所以常得貴售晏法則令多粟通途郡縣以數十歲糴價與所糴粟數高下各為五等

具籍于主者

今屬發運司

粟價纔定更不申稟即時

廩收但第一價則發第五數第五價則糴第一數第二價則糴第四數第四價則糴第二數乃即馳迺報發運司如此粟賤之地自糴盡極數其餘節級各得其宜已無枉售發運司仍會諸郡所糴之數計之古過於多則損貴與遠者若尚少則增賤與近者自此粟價未嘗失時各當本處豐儉即日知價信皆有術

出筆談

稅額

五代方鎮割據多於舊賦之外重取於民國初悉皆蠲正稅額一定其聞有或重輕未均處隨事均之福歙州稅額太重福州則令以錢二貫五百折納絹一匹歙州輸官之絹止重數兩太原府輸賦全乃以減

價糶米補之後人往人疑福歛折縮大貴太原折米大賤蓋不見當時均賦之意也

發運司米

發運司歲供京師米以六百萬石為額淮南一百三十萬石江南東路九十九萬一千一百石江南西路一百二十萬八千九百石荆湖南路六十五萬石荆湖北路三十五萬石兩浙路一百五十萬石通餘羨歲入六百二十萬石

熙寧中廢併天下州縣迄八年九廢州軍監三十一儀滑慈鄭集萬乾僭南儀復蒙春陵憲遼寶壁梅漢陽通利寧化清平永康荆門廣濟高郵江陰富順漣水宣化廢縣一百二十七晉州趙越杭州南新普州普康磁州昭德華州渭南德州德平陵州貴平新縣

忠州桂溪

兖州鄒縣

廣州信安

四會

陝府

胡威陝石

河中

河西永樂

巴州

七盤其章

坊州

昇平

春州

銅陵

北京

大名涇水涇城永濟

莫州

鄭長豐縣

梧州

戎城

邛州

臨漢

梓州

永泰

河陽

已水

滄州

轅安臨津

融州

武陽

羅城

象州

義化

歸州

真山

汝州

龍真

懷州

武陽

道州

永明

慶州

樂蟠華池

瀛州

東城景越

順安

高陽

澶州

頓丘

洛州

武成曲周

臨洛

丹州

雲岩汾川

潞州

黎城

瓊州

舍城

火山

火山

橫州

永定

宜州

潞州

黎城

瓊州

舍城

火山

火山

橫州

永定

宜州

平普

隨州

光化

邢州

襄山

在縣

平鄉

秦州

長道

三崗

石鼓

揚州

廣陵

趙州

降平

桓鄉

贊

雅州

榮經

同州

夏陽

嘉州

平羌

河南

洛陽

福昌

陽維

濱州

招安

慈州

丈威

吉鄉

成都

犀浦

戎州

宜賓

皇朝卷九

乙

高昌 榮州 公井 寧化 寧化 乾寧 乾寧 真定 靈壽 井陘

荆南 建寧 支江 辰州 麻陽 招諭 陳州 南頓 桂州 修仁

永安 安州 雲夢 忻州 定襄 劔門關 劔門 漢陽 漢川 恩

州 清陽 熙州 秋道 河州 杞罕 衛州 新鄉 衛 渝州 南川

魏州 王城 果州 流溪 利州 平蜀 許州 許田 哥嵐 嵐石

蓬州 蓬山 良山 冀州 新河 涪州 温山 閬州 晉安 歧平

復州 玉涉 潤州 延陵 普筆談

漕河

國初方隅未一京師儲廩仰給惟京東京西數路而已河渠轉漕最為急務京東自濰密以西州郡租賦悉輸公河諸倉以備上供清河起清淄合黃河歷齊鄆涉梁山灤濟州入五丈河達汴都歲漕百餘萬石所謂清河即濟水也而五丈河常若淤淺每春初農

隙調發夫衆大興力役以是開濬始得舟楫通利無所壅遏 太祖皇帝素知其事尤所屬意至歲中興

役之際必輿駕親臨督課率以為常先是春夫不給口食古之制也上惻其勞苦特令一夫日給米二升天下諸處役夫亦如之迄今遂為永式 金坡遺事

穀粟均配人戶納見錢

皇祐初三司出緡數十萬收市穀粟轉運司均配人戶變納見錢期限甚促韓魏公以軍儲不之請滿歲方輸官仍免配坊郭第四第五等戶鄉村亦聽以斛斛折納於是人力舒緩無逼迫之憂 魏王別錄

詔藩鎮支郡直屬京師

太平興國初右拾遺李幹上言諸道藩鎮所管支郡多遣親吏掌其市征淄滯商賈不便詔邠寧涇原渭

鄜坊延丹陝號襄坊房復鄧唐澶濮宋亳鄆濟曹單  
青淄兗沂具冀滑衛鎮深趙定祁等支郡並直屬京  
師不隸節鎮 楊文公談苑

### 枷三等

舊制枷唯二等以二十五斤二十斤為限景德初陳  
綱提點河北路刑獄上言請置杖罪枷十五斤為三  
等詔可其奏遂為常法 澠水燕談

### 榜刻儀制令四條

孔承恭為大理正太平興國中上言儀制令云賤避  
貴少避長輕避重去避來望令兩京諸州於要害處  
刻榜以揭之所以興禮讓而厚風俗詔從之處處衢  
肆刻榜訖今多有焉 楊文公談苑

一

孔承恭上言儀制令四條件乞置木牌立於郵堠一  
日 太宗問承恭曰令文中貴賤長少輕重各自相  
避並訖何必又云去避來此義安在承恭曰此必試  
於去來者互相回避爾 上曰不然借使去來相避  
止是憧憧於通衢之人密如交蟻烏能一一相避哉  
但恐設律者別有他意其精悉若是 玉壺清話

### 諸州斷死罪奏案

建隆二年 太祖謂宰相曰五代以來諸候跋扈有  
枉法殺人者朝廷置而不問刑部之職僅廢且人命  
至重姑息藩鎮當若是耶自今諸州決大辟訖錄案  
聞奏委刑部覆視之奏案自此始

### 法官親節案

大理法官皆親節案不得使吏人中書檢正官不置

吏人每房給楷書一人錄淨而已蓋欲士人躬親職事格吏姦兼歷試人才也 筆談

新雕 皇朝類苑卷第二十一

新雕 皇朝類苑卷第二十二  
官政治績

斷獄

近歲邢壽兩郡各斷一獄用法皆誤為刑曹所駁壽州有人殺妻之父母昆弟數口州司以不道緣坐妻子刑曹駁曰毆妻之父母即是義絕况其謀殺不當復坐其妻刑州有盜殺一家其夫婦即時死惟一子明日乃死其家財產戶絕法給出嫁親女刑曹駁曰其家父母死時其子尚生時產乃子物出嫁親女乃出嫁娣妹不合有分此二事略同一失於生者一失於死者 筆談

陳晉公

陳晉公為三司使將立茶法召茶商數十人俾各條